



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Arnoldi Corvini à Belderent J. U. D. Jus Canonicum, Per
Aphorismos Strictim Explicatum**

Corvinus van Beldern, Arnold

Amstelodami, 1663

lure patronatus.

urn:nbn:de:hbz:466:1-10591

Præsentare possunt unum, vel plures; si unum, qui sit idoneus, eum debet jus instituendi habens admittere, approbare, instituere; c. illud. 8. eod. c. 32. decernimus. 16. qu. 7. si plures, de omnibus magis idoneum eligere. c. quis propter. 42. de elect.

Factâ institutione institutus nanciscitur jus percipiendi fructus beneficii juri patronatus obnoxii, & potestatem administrandi officium & munus ratione illius beneficii injunctum.

Ordinarii institutio, spretâ patroni præsentatione, facta, non subsistit; ut nec à Patrono propriâ auctoritate facta Institutio valet. c. 1. 16. qu. 7.

De jure Patronatus.

T I T. XXXIII.

Ius patronatus est, quod quis Clericus sive Laicus habet in Ecclesia, quam ædificavit, vel dotavit, vel fundavit. c. nobis fuit. 25. hic. c. 26. pia mentis. 16. & ibi Gl. c. 31. filii. 16. qu. 7.

Patronus habet jus præsentandi instituendum ad beneficium vacans. Gl. in d. can. 26. pia mentis. c. 30. quicunque. §. fin. c. 32. decernimus. c. 33. monasterium. vers. liceatque. 16. qu. 7.

Dico vacans beneficium; quia super vacaturo beneficio, nec præsentatio, nec institutio valet. c. 2. & c. constitutus. 11. de concess. prab.

Fieri debet præsentatio à Laïco patrono intra menses quatuor, ab Ecclesiastico intra menses sex; licet jus patronatus à Laïco acquisiverit. c. un. §. verum. hic. in 6.

Hie, cum semel aliquem præsentaverit, variare non potest. Ille potest. c. pastoralis. 29. hic. & d. c. un. in Gl.

Potest etiam Legatus de latere, in præjudicium patroni Ecclesiastici, juri patronatus derogare; non in præjudicium patroni Laïci, c. cum dilectus. 28, eod.

Patro-

Patronus seipsum vel liberos suos præsentare non potest; c. *consuluit.* 15. c. *per nostras.* 26. hic. potest præsentare, ut diximus, unum, vel plures; ut ex iis Episcopus unum eligat. Clem. *plures.* 2. §. *fin. hic.*

Si plures, ut possunt esse, c. 1. 2. 3. hic. sunt ejusdem Ecclesiæ patroni, possunt convenire ut singuli alternis vicibus præsentent. d. Clem. *plures.* 2. §. & *ut facilius.*

Si hoc fecerint, & in præsentando discordent, præferatur sententia majoris partis. c. *quoniam.* 3. hic. Nisi ea sine scandalo præferriri non possit. Tunc enim Episcopus pro suo arbitrio aliquem ordinare potest. d. c. *quoniam.* 3. §. si autem hoc. Quemadmodum ordinare debet, patrono intra statutum tempus neminem præsentante; c. *si verò.* 12. eod. aut si quæstio de jure patronatus inter alios orta intra prædictum tempus non finita. d. c. *quoniam.* 3. *in fin.* & c. *cum propter.* 27. eod.

Si propter patronorum discordiam Ecclesia administratore caret: cessatur in ea à Divinis, tolluntur reliquiæ, ostia clauduntur; si quidem aliter Ecclesiæ sine scandalo provideri non potest. c. 1. & 2. eod. c. 36. *si plures.* 16. qu. 7.

Factâ præsentatione, institutio debet subsequi: intra quod tempus, legibus non est definitum, sed arbitrio judicis relinquitur. Abb. c. 2. *de concess. præb.*

Cui jūs instituendi, debet præsentatos, si sunt idonei, recipere. c. *significasti.* 18. hic. si non sunt, potest repellere.

An sint idonei, Episcopi est examinare; præsentatis tamen electis seu nominatis ab universitatibus seu collegiis generalium studiorum, exceptis; qui non examinandi. Concil. Trid. cap. 9. vers. ad hæc liceat. sess. 25. *de reformat.*

Potest Episcopus in Ecclesia juris patronatus Laici, Oeconomum ex causa, puta si minus idonei præsententur, vel alia ex causa eos instituere non valeat, ponere, qui fructus in Ecclesiæ utilitatem erogandos, aut his qui quandoque

que instituentur, reservandos, colligat. c. cum vos. 4. de offic. jud. ordin.

Transit jus patronatus ad heredes : d. c. quoniam. 3. & si plures sint heredes unius patroni, habentur in præsentatione pro uno. d. Clem. plures. 2.

Potest etiam titulo donationis, c. ex insinuatione. 14. hic. c. un. eod. in 6. permutationis, Gloss. ad c. cum seculum. 13. hic. Innoc. ad Rub. eod. Host. in sum. vers. qualiter transferatur. per text. in c. 40. nemini. 16. qu. 7. venditionis, cum universitate, d. c. cum seculum. rectè in alium transferri.

Universitatis nomine veniunt, hereditas, bonorum possessione, l. item veniunt. 22. §. ait Senatus. ff. de pet. hered. l. 1. ff. quor. bonorum. civitas, pagus, castrum, prædium; l. cum fundus. 10. in fin. ff. de legat. 2. adde l. si mercedem. 55. §. 1. ff. de act. emt. in quibus Ecclesia patronata continetur; quæ si in alium transferantur, & jus patronatus illis inhærens una transfertur. arg. d. l. cum fundus. l. in modicis. 24. in fin. ff. de contr. emt. Licet in conductore universitatis oppignoratae diversum obtineat. c. cum Bartholdus. 18. de sent. & re jud.

Per se, sive separatim, jus patronatus, cum spirituali annexum sit, vendi non potest. c. de jure. 16. hic. Concil. Trid. sess. 25. cap. 9. vers. nec dictum. de reform.

Patronus nihil proprii juris in Ecclesia habet, nec potest ejus redditus in usus suos convertere. d. c. 26. pia mentis. in fin. c. 27. Frigentius. in fin. 16. qu. 7. c. sicut. 2. de suppl. negl. pralat.

Potest & debet sollicitudinem Ecclesiæ gerere; &, si Rector aliquid ex Ecclesiæ collatis defraudet, eum honestâ conventione compescere, aut Episcopo vel Judici competenti denunciare. c. filius. 31. & c. seq. 16. qu. 7.

Si patronus vel ejus liberi ad inopiam redigantur, competens vitæ subsidium ab Ecclesia ipsis debetur. c. nobis fuit. 25. in fin. hic. c. 30. quicunque fidelium. 16. qu. 7.

Sine consensu Patroni Ecclesia vel ejus dispositio non potest

poteſt mutari. c. 33. monaſterium. c. 34, rationis. 16.
qu. 7.

Patrono debetur præcessionis honos. d. c. nobis. 25.
§. fin. d. c. 26. piamentis. d. c. 27. Frigentius. in fin.

Primus enim & eximius in ordine locus, in confeſſu vel
processu, patrono inter Clericos ejusdem Ecclesiæ debe-
tur. d. c. nobis. 25.

Cessat jus patronatus: Si patronus jus suum Ecclesiæ
contulerit; Si Ecclesiæ sine reservatione juri's compe-
tentis patiatur fieri collegiatam; Si ædes sacræ igne, ter-
ræ motu, aut alio vitio, interierint; Si Ecclesia ab infi-
delibus occupetur; Si patronus sit hæreticus. c. vergen-
tis. 10. de hæretic.

De censibus.

TIT. XXXIV.

Patronus à præsentato nihil potest exigere temporaſe,
niſi censum, quem cum consensu Episcopi conſtat in
ipſa fundatione eſſe impositum. c. præterea. 23. de jure
patron. c. ſicut. 2. de ſuppl. negl. prælat. c. 31. filiis. 16.
qu. 7.

Census, eſt annua penſio, c. 16. jubemus. in fin. 16. qu. 3.
quæ in argumentum ſubjectionis præſtatur. c. 2. hic.

Accipitur duobus modis: vel generaliter; pro omni
penſione, quæ Prælatiſ de Ecclesiasticis proventibus ſin-
gulis annis præſtatur: c. olim cauſam. 20. c. cum canoni-
cis. 26. hic. c. 4. quaſitum. 1. qu. 3. vel ſpecialiter; pro ea
penſione, quæ Episcopo ab Ecclesiis in argumentum ſub-
jectionis tribuitur; Cathedricum, eò quod ob honorem
Cathedralē ſolvatur, diecta. c. 3. 10. qu. 1. & c. conque-
rente. 16. de offic. ordin.

Conſtituere censum novum, veterem augere, ex ju-
ſta cauſa potest Episcopus, cum consensu Capituli; Clem.
fin. de reb. Ecclef. non alien. c. 1. hic. in 6. aut Ecclesiæ,
cui imponitur, ſi collegiata: c. 1. de rer. permuat.